

nem latissimos pratorum habet Campos, Montesque præcelsos. Sequana pontestratus est ingeniosi artificii structuræque, siquid in Galliis aliud, admirabilis; lapide quadrato, validis columnis, pulchris arcubus, qui tredecim numero: altitudinis latitudinisque insignis. Estque urbs hæc Archiepiscopatu & Parlamemto celebris: sunt præterea *Aurenches, Evreux, Bayeux, Saïs, Constances, Lisieux, Alençon, Aumale, Longue-ville, Eu, Harcourt, Tancarville, Malevriar, Mortam, Mongommery, Thorigni, Gisors, Caule &c.* Normannia quibuldam statuitur duplex, *Superior & Inferior*. In Superiore Ducatus sunt tres *Alençon, Aumale, Longue-ville*. Comitatus *Eu, Harcourt, Evreux, Tancarville, Malevriar, Mortam, Mongommery*. Continet item hæc Normannia illam regionis portionem quæ vulgo *Vulx*, in qua est *Gisors* Metropolis Comit. & Ballivatus: Et Baroniam *l'Aigle*. Inferior in minores diltrahitur partes, quæ vernacule *Caule, Bessin, Constantin, Hovivet, Royaume de Yvetot, Le Vaulx de Vire*. In Normannia Archiepiscopus *Rotomagensis Rouen*, cui subsunt Episcopi *Saiensis, Saïs, Constantiensis, Constances; Lezouensis, Lisieux; Abrincantensis, Aurenches; Baiocensis Baiux; Ebroicensis, Evreux*. Gens omnis suapte natura calida, nullis exteris legibus obnoxia: Moribus suis & consuetudine, quam pertinacissime tuetur, vivit. Doli quidem & litis adprime gnara; alioqui doctrinæ & religioni dedita.

Belsia vulgo *La Beausse*, Regio siccitate aquarumque laborans penuria: fertilis nihil ominus, & Frumenti *Belsia* valde ferax. Ea triplex est, *Superior, Media, Inferior*. *Superior, La haulte Beausse*, initium capit ab Vico, qui vulgo *Ablis* indigetatur, petens porro Carnutum agos & ulteriora. Concesentur illi *Carnutum Regio, Ducatus Andegavensis, Comitatus Perchenensis, Carnutum Territorium* vulgo *le Pais Chartrain*, adhæter hinc Percheni Comitatu, inde Ducatu *Aurelianensi*. Carnuticum solum nulli reliquæ Galliæ parti fertilitate vel amœnitate cedit: omni genere Frumenti, Fructuum, Pecoris abundans: Vino non destitutum. *Primarium Opidum Carnutum* audit, *Anticum Ptol.* nunc *Chartres*. Opidum hodie non postremi loci. *Carnutum Territorio* solitus est adcerseri *Comitatus Druidensis & Montfortius*. Sunt hic Opida *Dreux & Montfortium*. *Ducatus Andegavensis, La Duché d'Anjou* peculiarem Tabulam habet. *Comitatus Perchenensis* dividitur in duas partes, quarum una inferior dicitur, vulgo *le Perche Gouet*, cujus *primarium Opidum Nogent Rotrou*. Altera superior in qua *Mortaigne* Opidum. Sequitur *Media*, cui tribui solitum quicquid est, inde quidem ad utramque Ligeris ripam ab *Rotomago, Vendonium* usque: hinc autem in dextra ejusdem Ligeris ripa quicquid *Castelloduno* porrigitur *Blesas & ad Turonensium* usque agros. Reliquas fertilitate sua *Belsias* superat. Comprehendit partim Comitatus, *Plesensem, Dunensem & Tinnoriensem*; partim Ducatus *Vindocinensem & Turonensem*. Inferior *Belsia* restat. Ea *Campestris* omnino & plana: Frumenti valde ferax, totius Galliæ horreum: porrecta inter Episcopatus *Aurelianensem & Carnutensem* ab Opido Stampensi procurrit, versus Orientem quidem ad Senones usque, versus Meridiem ad pontem *Aurelianensem*. In ea est *Aurelia* vulgo *Orleans* sita ad Ligerim. Ducatus titulo est nobilitata, atque ornatur *Academia*. Sunt & *Ditiones* vel *Territoria Lorriacum & Solonium*. Archiepiscopus hic *Turonensis, Tours*: habet sub se *Cenomannensem Le Mans, & Andegavensem Angiers*. Episcopus *Carnutensis, Chartres*, subest *Senonensi* in Campania, & item *Aurelianensis*.

Status Ecclesiasticus.
Vulgi mores.

Belsia.
Soli fertilitas.
Superior Belsia.
Situs.
Urbes.

Media Belsia.
Situs.
Soli fertilitas.
Opida.
Inferior.
Soli fertilitas.
Urbes.
Status Ecclesiasticus.